

Mepepelime mo Ufaru ma Bituru

Ucuduwu wa aatagada a nda

Bituru, vuma na danai aatagada a nda, aajiya a da a danai. U dana ta zuzu na Yesu. We ene ta cine Yesu sowoi atsumalima ne esu a yi. Atsuma e mepepelime ma nda u yuwaan ta aza e Itoni a na a ri bata koko'o adanshi adama a atsumalima.

Bituru damma ta aza e Itoni a mantsa mo ndolo a na a yuwan mazanga adama a atsumalima a na oo sowuso. Ana wo o'woi Yesu sowo ta atsumalima atsuma o uvadi u nda, ne da fo aza e Itoni a yi na a 'yuwan a ciga o sowo cu'un va atsumalima o ndolo. Atsumalima a tsu zuwa ta ucawu wo okolo a vuma a dashi gbama. U damma le ta isa'ani ya Asula u to obolo ne ele a mantsa ma na oo sowuso atsumalima o ndolo.

Ana'an aza e Itoni o to sowuso fo atsumalima, waru ne da, Asula a ta na abula hali ana'an n nda. Aatagada a nda a ca tsu ta urevu adama a amayun a akiza a na aa kamba tsu na tsoo sowuso atsumalima. Waru u damma tsu ta ili i sa'ani ya abunda i na tsa a yuwan a mantsa ma na tsu ri oo sowuso atsumalima ko na tsu ri a asuvu nden.

Ili i na i ri pe atsuma a aatagada a nda

1. Icasu na avasa (1:1-2)
2. Adanshi a amayun adama o uzuwu wo okolo (1:3-12)
3. Nden tsa ama a Asula a na a ri na akiza (1:13-2:17)
4. Iroci ya atsumalima e Yesu (2:18-25)

5. Za vi Itoni na atsumalima (3:1-4:19)
6. Asala adama a azagbain aza a aa'isa aza e Itoni (5:1-11)
7. Icasu yu ukosu (5:12-14)

¹ Amu Bituru, aajiya e Yesu Kristi Zamawawa, amu da maḡ lyungusaḡ du mepepeline ma nda. N ta danasaa ama a na Asula a dangwai. Ele da aza a na a ri a nden ana omocin atsuma e ida ya Pontu, na Galatiya, na Kafadokiya, na Asiya ni ida ya Bitiniya.

² Asula Dada u dangwa du ta de nu ujimu waru Ruhu kambuwa du ta aza a akiza. Adama o ndolo a da i yuwain tsutoni na Yesu Zamawawa, reve mpasa ma yi mo o'woto du cece. N ta avasa i tsura isa'ani ya Asula na asuvu nden a yi a wuma u du na abunda lon.

Aza e Itoni a dana nu uzuwu wo okolo

³ Ica a tyo ubata wa Asula, Dada vu Zagbain tsu Yesu Zamawawa. Atsuma e isa'ani ya abunda ya yi i da a matsisan ntsu. Adama o umatsun u sa'avu u nda u da tsu ri nu uzuwu wo okolo a na a ri wuma, waru tsu tsura yi ta adama a na a 'yasain Yesu Zamawawa atsuma a akwakwa.

⁴ Waru umatsun u sa'avu u nda u tawaa tsu ta na agadu a na aa langa shi, waru za na ri cece agba woo kporo shi. Asula a tu uguzu na agadu a du de zuva, agba waa lyawa ili i ro i ju'wan yi shi.

⁵ Adama o ndolo ni i ca Asula okolo a du, ucira wa yi waa lyawa ili i vama i ju'wan du shi, hali she nu u roco iwawi a mantsa mo ukosu. Waru ama suru e te ene iwawi i nda.

⁶ Ili i nda amayun a ɗa, adama o ndolo i yuwan maẓaṅga adama e le. Amma gogo i to sowo aṭsumalima icu'un icu'un mantsa wa'a.

⁷ Aṭsumalima'a a taƙa ta adama u roco ucawu wo okolo a ɗu amayun a ɗa. Ucawu wo okolo a ɗu ili ya aɓula i ɗa u la'a ta zinariya. Akina a ɗa o tsu lobonoto zinariya agba suru na ne u tsu langa ta. A mantsa ma na koyan ɗa ee ene Yesu Zamawawa, i ta tsura ica, na tsugbain, ni isa'ani adama o ucawu wo okolo wa amayun a ɗu.

⁸ I ciga ta Zamawawa ko ana koto ye ene niyi shi. Ko na yee inda yi gogo shi, aƙu gba i ca yi okolo. Waru ko gogo i ta maẓaṅga na maẓaṅga ma gbain ma na yaa gura cuɗuwa shi.

⁹ Adama a na i ca niyi okolo a ɗu, i ta ushi une'e wi iwawi i wuma i ɗu.

¹⁰ Amaṣula a yuwan ta adanshi cine Asula oo roco ɗu isa'ani ya yi, reve a bunga ulobonu adama a tsura urevu wi iwawi i na Asula aa ca ɗu.

¹¹ Ruhu vu Zamawawa shi ta aṭsuma e le, reve u yuwan adanshi a aṭsumalima a na Zamawawa oo sowo waru na tsugbain tsa na waa tsura na aṭsumalima o koto. Amaṣula'a a shi ta a ciga e reve mantsa na cine ili i nda yaa fara.

¹² Reve Asula o roco le aa yuwusan adanshi e ili i na yaa fara a mantsa me le shi, ili ya amayun i na a dammai adama a ɗu a ɗa. Gogo nda Asula a lyungu ta Ruhu va Akiza u kamba ama a mantsa ma na aa yuwusaan ɗu alajiya a Alabari a Sa'ani. Hali na nlingata ma Asula fo n ciga ta n reve ili i nda'a.

Nden ma akiza

¹³ Adama e ili i nda suru, i yuwan majiyan ma sa'ani, reve i guza okolo a đu. I yuwan majiyan ununa Asulā oo roco đu isa'ani ya yi a mantsa ma na Yesu Zamawawa aa kamba. Mantsa ma na i cuwain ni ili i ndolo suru, u ta ca đu uzuwu wo okolo.

¹⁴ I yuwaan Asulā tsutoni adama a na đu muwun ma yi n đa. She i kamba acapa a yuwusan ili i wuya ununa i yuwain a wuma u đu de acapa wan. A mantsa mo ndolo i shi i reve ununa u lobonoi i yuwan shi.

¹⁵ Asulā a dangwa đu ta adama yoo o'wo muwun ma yi, adama o ndolo gogo ni i ciga i 'yuwan i đana na akiza† atsuma e ili i na yaa yuwusan biti, ununa Asulā a ri na akiza.

¹⁶ Asulā na aciyayi u damma ta, “Ni i ciga i 'yuwan yoo o'wo na akiza adama a na amu za va akiza a đa.” ◇

¹⁷ I cuwan i ta yuwusan avasa e ekere a Dada za na ri zuva. Ayi đa za vu uge'etosu, agba u tsu la'a ciga za ro e ekere a za ro shi. U ta ca đu atsumalima ko iliyinkapa adama e ili i na i yuwain. Adama o ndolo i ciga i 'yuwan i ca Asulā tsugbain atsuma a nden n na yaa yuwusan pa o uvađi ana omocin.

¹⁸ I reve ta Asulā a tsupa† ta ili i gbain i ro adama u wawa đu diga o ure u vama u na nkaya n đu n lyawaa nđu. Agba atsupu a na u tsupai ili i đa tsa zinariya ko azurufa, ili i na i tsu jima shi.

¹⁹ U tsupaa đu ta na mpasa ma abulā ma Yesu Zamawawa. Ayi đa Magiri'i ma Asulā ma na ma yuwain unusu shi suru suru, waru u ri na abasa shi, ko ke'en.

◇ 1:16 N.Gn. 11:44-45; N.Gn. 19:2; N.Gn. 20:7.

²⁰ Asulā a dangwa yi t̄a adama o ndolo de nu ujimu kafu a yuwan uvadi, gogo gba a rana vu ukosu u nda Asulā a lyungu yi t̄a o uvadi adama koyan da ee ene yi. Waru Asulā a yuwan t̄a ne adama a du.

²¹ Gogo nda, i ca Asulā okolo a du adama a Zamawawa. Waru adama a na Asulā a 'yasain Zamawawa atsuma a akwakwa, avu u ca yi tsugbain tsa gbain. I ta gura usu reve i zuwa okolo a du ubata wa Asulā na amayun.

²² Gogo nda, i ta gura cigalai na aza a du na amayun ana ama o u'wa u t̄a. Adama a na a za'wai okolo a du cece a mantsa ma na i usuyi Alabari a Sa'ani ili ya amayun i da. Adama a nda ni i ciga i 'yuwan i cigalai lon, nu ucira u na u ri o okolo a du suru.

²³ Asulā a zuwa t̄a a matsisan du. Wuma u sa'avu u du wu ut̄a ubata wa aza a na a matsan ndu o uvadi shi. Adama a na wuma u na a ca ndu u to koto o ukwa. Ayi gba wuma u sa'avu u nda u ri nu ukotu shi, adama a na wu ut̄a t̄a atsuma a adanshi a wuma wa Asulā, agba adanshi'i u ri nu ukotu shi.

²⁴ Ishaya vumavasulā dana t̄a:

“Ama suru a t̄a tsa anlya tsa na ts̄a tsu kuwushi, ulobonu u le waru u tsu kotushi t̄a ununa vu revei ulobonu u yipalu wo ogozo. Anlya a tsu 'yewe t̄a reve yipalu yo oco e ida.

²⁵ Amma adanshi a Zagbain a ri nu ukotu shi.” ◇

Waru adanshi a Zagbai'in ayi da Alabari a Sa'ani a na tsu yuwain alajiya a yi a tyo ya'a du.

2

¹ Adama o ndolo ni i ciga i 'yuwan i lyawa unusu u na yaa yuwusan. I lyawa a lulumusā ama. I lyawa a dansa i tā nā aḅulā agba ne ḁa shi. She i tonoo tsushu'un wan, agba i lyawa adanshi e ili i na yaa ḅali ama o ro.

²⁻³ I ciga i 'yuwan i ḁana a maluwa ma na yoo sowo maani ma akiza ma na mā ri diga ubata wā Ruhu, adama i kungwa nu ucira aṭsumā e iwawi i ḁu. I saala e izami ya adanshi a Ḃsulā ununa ḅaba tsu ḁana e mesun ma maani, adama a na i peḁei isa'ani yi Zagbain.

Aatali a wuma

⁴ Yesu Zagbain aḅi ḁa Aatali a wuma. Ama a 'yuwan yi tā, reve gba Ḃsulā a ḁangwa yi reve u ciga yi lon.

⁵ Ne ḁa aḁu waru i ri. Aḁu atali a wuma a ḁa aza a na Ḃsulā aa yuwusaan ulinga u suwa u'wa aṭsumā o tsugono tsā yi. Waru aḁu oḅolo a nan ganu va akiza a ḁa, waru i ta ca kucci aṭsumā a Ruhu, za na oo yo'onoto Ḃsulā okolo aṭsumā e Yesu Zamawawa.

⁶ Adanshi a Ḃsulā a damma tsu tā:
 “Kalyuwai! N ta zuwusa aatali e ikyun yu ucira yu
 usaa aṭsumā a Sihiyona,†
 za na n ḁangwai,
 aḅi ḁa macigata mā va.

Za na cayi vuma ndolo okolo, u te ene u nusan vuma na waa ca okolo shi.” ◇

⁷ Aḅi macigata mā ḁu ma ḁa, aḁu aza a na i ushi niyi. Amma aza a na a 'yuwan niyi,
 “Aatali a na asuwi a 'yuwain

◇ 2:6 Isha. 28:16.

ayi da gba wo o'woi aatali e ikyun yu ucira yu usaa.” ◇

⁸ Waru Adanshi a Asula a damma ta,
“Ayi da aatali a na aa zuwusa ama utadatsasa,
aatali a na aa zuwa le a riya.” ◇

A ta tadatsasa adama a na o poloi atsuvu reve a kuru Adanshi a Asula shi. Adama o ndolo reve a cina ili i na o foboo nle.

⁹ Amma adu i ri tsa ama o ndolo shi, adama a na adu elentsu a na Asula a dangwai a da. Adu obolo a nan ganu a da aza a na aa yuwusaan Asula tsugbashi ana Mogono, adu ama a akiza a da, waru adu ama a Asula a da. Asula o utaa du ta atsuma e irumbu a tyo atsuma e ekan a gbain a sa'ani a yi. Gogo nda ni i ciga i 'yuwan i damma linga va asalama na u yuwain suru. Adanshi a Asula a damma ta,

¹⁰ “De acapa i dana ta ama a na a ri ne elentsu shi; gogo gba shi adu ama a Asula da.

De acapa, i shi i tsura iliyali ya Asula shi, gogo gba shi, i tsura ta iliyali ya yi.” ◇

¹¹ Ama a va, adu omocin a da na aza a mabura o uvadi. Adama o ndolo n to ronuso du atsuvu i suma icigi yi iwuya adama a na a ta nlangi no okolo a amayun a du.

¹² I yuwan ugbozu cine yaa danusu obolo na ama a du aza a na a ri e itoni shi. Ko na aa dansa ne epen, a na i ta yuwusan ili i na i lobonoi shi, e te ene wuma u sa'ani u du, reve a ca okolo e le avu a ca Asula tsugbain a mantsa ma na waa tawa adama o uge'etosu wu uvadi.

◇ 2:7 Ica 118:22. ◇ 2:8 Isha. 8:14. ◇ 2:10 Hos. 1:6; Hos. 1:9; Hos. 2:23.

Tsutoni na azagbain

¹³ Zagbain ciga ɗu ta i kuru azagbain a ama. I yuwan tsutoni na aza a na la'ai tsugbain atsumā a ama,

¹⁴ waru obolo na azagbain a na u lyunguyi suru. I yuwan ne adama a na mogono ma tsu lyungu le ta adama a ca aza a na aa nususan atsumalima, waru reve a cuwa aza a na aa yuwusan ili i mejege.

¹⁵ Asula a ciga ɗu ta i yuwan ili i mejege. Ni i yuwan ne, i ta baru na va ama a na a yuwain adanshi e epen a aci a ɗu pere m pere.

¹⁶ Adu agbashi a da shi i ta faan. Agba nden m babu tsugbashi tsā ɗu u zuwa ɗu i yuwan iwuya shi. Ufalu u na yaa danu ana agbashi a Asula a da.

¹⁷ I ca koyan da tsugbain, reve i roco icigi langa a tyo e ekere a aza e Itoni. Yu uwwa wovon wa Asula, avu i ca mogono tsugbain.

¹⁸ Agbashi, ni i ciga i 'yuwan i yuwaan azagbain a ɗu tsutoni, avu i ca le tsugbain. I yuwaan ne aza a na a ri na abula waru a ri na majiyan me isa'ani, waru agba ni i ciga i 'yuwan i yuwaan aza a na a ri usuduwu.

¹⁹ Asula a tsu yuwan ta mazanga na vuma kaɓa asuvu a atsumalima e iwuya i na wu ntsayi i sowo shi adama a na u revei Asula.

²⁰ Agba na a faba ɗu adama o unusu, yaa tsura ili i ro pe shi. Amma Asula a ta zuwaa ɗu aba'un na wo o'wo i to sowo atsumalima adama a na i yuwain ili i sa'ani.

²¹ Zamawawa ayi da iroci i ɗu, waru u sowo ta atsumalima adama a ɗu. I kuru ili i na u yuwain. Asula e de ɗu ta adama i sowo atsumalima. Adanshi a Asula a damma ta:

22 “Zamawawa nusan shi, waru wu lumā za shi.” ◇

23 Ana ama a uwai e isulusa yi, u tsupa le shi. Ana ama a ca niyi aṭsumalimā u damma she ne ele fo o sowo aṭsumalimā shi. Ayi de u zuwa aciyayi e ekere a Asulā za na tsu yuwan uge'etosu mejege.

24 Ayi na aciyayi u tanuyi unusu u tsu a lipu va yi ana u kuwai a akpata,† adama aṭsu tsu kakasai nu unusu u tsu, reve tso o'wo wuma adama tsu yuwain ili ya afula. Yo o'wo ta gbaga adama a antsu a yi!

25 I shi ta e igaru tsi ikyon i na i puwain. Agba gogo i kamba ta ubata wu Za va Aguḡa du, za na aa kalyuwusa wuma u du.

3

Cine aa yuwan nden n lolo

1 Adu waru amaci, i kuru ali a du, ununa yaa kuru Za va Aguḡa du. Na ali o ro a 'yuwan a ushi ikaka'a, nden n sa'ani ma amaci n le n ta zuwa le a usu upasu na adanshi a na aa yuwan.

2 A ta yuwan ne, ne e ene nden n sa'ani n na n lobonoi na yaa yuwusan.

3 She i yuwan mpolo n na yoo o'wo ulobonu e esu a ama wan. I damaton aciyadu adama a abunda a madava ma anji ko ili i na a yuwain na zinariya ko adama e itana yi ikebe lo wan.

4 Ana yaa yuwan ne, i lyawa e reve du adama o ulobonu u na u ri o okolo a du. Ulobonu u nda a tsu tsura yi ta o okolo a na a tarai aciyayi ili i ro shi. Asulā a tara yi ta ili i sa'ani yu usokowu yo okolo a na u ri n koto shi.

◇ 2:22 Isha. 53:9.

⁵ Ne da amāci a akiza de acaṗa o o'wotoi aciyele ulobonu. A ca ta Asula okolo e le, reve waru a ca ali e le tsugbain.

⁶ Iroci, Saratu† yuwan ta tsutoni na vali va yi Ibrahim, ana u de niyi zagbain va yi. Adu esheli a yi a da ni i yuwan ili i na i ri mejege babu wovon wi ili i na yaa cina du.

⁷ Ne da waru, adu ali ni i ciga i 'yuwan i kuru ben na amāci a du. I guza le nu urevu atsuma a nden n du obolo. I cuwan i la'a le ta ucira. I cuwan ele fo a ushi ta une'e u sa'ani wa Asula za na ayi da wuma. I yuwan ne adama ko ili i ta i geshe avasa a du wan.

Iyuwan nden n sa'ani vāni du

⁸ Gogo gba, i yuwan nden n na n lobonoi vāni du, reve ili i na i farai na za ro atsuma a du i tara yi gashi ya'a du da, avu i cigalai ana muwun ma anawu. I roco ama isa'ani agba i tara aciyadu ili i ro wan.

⁹ Na vuma ro yuwaan du iwuya, she i kambuwa yi ni iwuya wan. Waru na za ro isula du, she i tsupa wan. Amma i zuwaa le aba'un. I yuwan ne adama a na Asula e de du ta tsara i zuwaa ozo o ro aba'un. Ne da Asula aa zuwaa du aba'un fo.

¹⁰ Adanshi a Asula a damma ta:
 “Na vuma ciga wuma u mazanga na rana sa'ani,
 nu u ciga u 'yuwan u geshe eelentsu a yi a adanshi
 a vama,
 waru nu u ciga u 'yuwan u geshe unā wā yi a
 adanshi e epen.

¹¹ Nu u ciga u 'yuwan u lyawa mayan me iwuya,
 waru nu u ciga u 'yuwan u yuwan isa'ani.
 Nu u ciga u 'yuwan u yuwan atyo a na waa yuwan
 adama u yuwan nden n sa'ani na ama.

12 Esu a Asulazuva a ta kalyuwusa aza a na aa yuwusan isa'ani, waru atsuvu a yi a tu ukpatu'u na aa yuwusan avasa. Amma Asulazuva a tsu tawa ta aza a na aa yuwusan iwuya esu.” ◇

13-14 Zane da ri lo aa yuwaan du iwuya, ni i ri ufobu na yaa yuwaan le isa'ani? Agba ko na aa ca du atsumalima adama o uyuwusan wi isa'ani, she yu uwwa wovon wan, waru she u damaton du wan. Asula a ta ca du iliyinkapa adama e isa'ani i na yaa yuwusan.

15 Ana yaa damaton aciyadu, i yuwaan Zamawawa aganda ana Zagbain. I ciga i 'yuwan i dana ufobu u na yaa cuduwa za na ece ndu, i damma ili i na i zuwai i ri nu uzuwu wo okolo.

16 Agba ni i ciga i 'yuwan i yuwan ne ben na tsutoni. I lyawa asuvu a du a dana cece. Reve na ama a yuwan adanshi a vama a aci a du, a ta uwwa wono, ne e ene nden n sa'ani n na yaa yuwusan adama a na yoo tono Zamawawa.

17 Lyawa i yuwan isa'ani reve i sowo atsumalima, na Asula a ciga du i yuwan ne. Ni i sowo awuya adama e isa'ani, u ta la'aa du a na yoo sowo awuya adama e iwuya.

18 Zamawawa sowo ta atsumalima a mantsa ma na u kuwa i adama a nusu tsu, agba u buwa a dashi shi. U nusan shi ko ke'en, amma u kuwa ta adama a aza o unusu adama u tawato tsu ubata wa Asula. Lipu va yi kuwa ta, agba a kambato yi ta wuma atsuma a Ruhu.

19 Reve u 'yawa nu ucira u Ruhu'u u yuwaan akwakwa a na a ri wunlu o u'wa wa ali alajiya.

◇ 3:12 Ica 34:12-16.

²⁰ Akwākwa a ama a nda a 'yuwan ta a yuwaan Asula tsutoni diga a mantsa ma na Nuhu† yuwain wantsun. Agba Asula a shi ta a yuwan ankuri ne ele. Ama kunla da a uwai a wantsu'un reve Asula a wawa le a mini ma gbain.

²¹ Mini ma gbai'in iroci yu urumbusu u na waa wawusa du da gogo. Agba urumbusu adama a wuzau wa ashinda a da shi. U to rocosu uvadalasa ubata wa Asula na asuvu e cece, adama a na a 'yasain Yesu Zamawawa atsuma a akwākwa.

²² Gogo Zamawawa ta zuva, ubata u na u ri nden o ukere usa'ani wa Asula. Nlingata ma Asula suru obolo na cu'un vo otoni a lima suru na a ciga a 'yuwan a yuwaan yi tsutoni.

4

Iyuwan ununa Zamawawa yuwain

¹ Gogo nda, adama a na Zamawawa sowoi atsumalima a lipu va yi, adu fo i dana ufofu u na yoo sowo atsumalima. Adama a na ni i usu i sowo atsumalima adama a Zamawawa i 'yuwan ta a yuwan unusu.

² Adama o ndolo ne da yaa kuru ili i na lipu du cigai shi, amma reve i yuwan ulinga na wuma u du i yuwan ili i na Asula a cigai.

³ I tara ta de mantsa lon nu ujimu a yuwusan ili i na aza a na e revei Asula shi aa yuwusan. I yuwusan ta tsipere icu'un icu'un, i shi ta i yuwan ili i wuya i na lipu cigai, i yuwan ta de oso na abukif a vanvama na yisowishi ni itoni ya amali i na Asula a 'yuwain.

⁴ Akuci a n'utsa n du a ta yuwan asalama a na i dashi boloi aci ne ele atsuma a mayan me ili i vama

shi. Hali gba a uwa a yuwusan adanshi a vama a aci a ɗu adama o ndolo.

⁵ Agba na a ciga a 'yuwan a usu za na ee ge'eto koyan ɗa, aza a wuma na aza a na a kuwai de.

⁶ Adama o ndolo a ɗa u yuwayin akwakwa alajiya a Alabari a Sa'ani. Adama ko ne e ge'eto le tsa akapi a ama a lipu, u yuwaan le ta ne tsara a tsura mantsa ma na a vadala a yuwan wuma atsuma a ruhu cu'un na Asula a ri na ayi.

⁷ Aa jima shi ili biti i to koto. Adama o ndolo i voton ugbozu avu i guza aciyadu adama i gura yuwan avasa.

⁸ Ili i na i la'ai ayi da, i cigalai ni icigi ya amayun, adama a na icigi i tsu zuwa ta i yuwan gafura vu nusu va abunda a na a yuwaan ndu.

⁹ Ni i ciga i 'yuwan i kalyuwulai ulobonu babu adanshawuya.

¹⁰ Asula a ca ta koyan da atsuma a du une'e koko'o. I yuwan ulinga ni ili i na Asula a ca ndu adama i roco isa'ani† ya Asula a tyo a ama.

¹¹ Na avu za na tsu yuwan adanshi a da, vu yuwan adanshi gashi Asula na aciyayi a da aa yuwusan adanshi na avu. Ne e de wu ta adama vu kamba ama, vu yuwan yi na atyo o ucira u na Asula a ca nuwu. Adama e ili biti Asula a tsura ica atsuma e Yesu Zamawawa. Tsugbain tsa yi nu ucira wa yi a ri nu utyo shi. Ami.

Atsumalima adama e itoni

¹² Ama a va, she i yuwan asalama wan na a ca du atsumalima gashi akina. She i yuwan majiyan gashi ili i ro i da ko'o wan.

13 Amma i yuwan maṙaṙa adama a na i uwai a aṙsumaliṙa a Zamawawa. Adama yo o'wo na maṙaṙa ma aṙbunḁa a mantsa ma na o rocoi tsugbain tsu Zamawawa.

14 Ne e isula ḁu adama a ala a Zamawawa, i ushi ta aba'un, adama a na u roco ta tsugbain tsu Ruhu va Asula u to obolo na aḁu.

15 U lobono ta i sowo awuya na yu una vuma, ko i yuwan wivu, ko ili i vama i ro. Ne ḁa waru ni i damaton aciyaḁu ugondoru aṙsuma e ili ya ama o ro, u lobono ta i sowo awuya.

16 Amma ni i sowo aṙsumaliṙa adama a na yo o'woi aṙa e Itoni, she yu uwwa wono wan. Amma i cuwa Asula a na i ri na ala o ndolo.

17 Gogo nda mantsa ma ḁa a na Asula aa fara uge'etosu na ama o u'wa wa yi ne'en. Waru nu uge'etosu u fara na aṙsu aṙa e Itoni, cu'un vu uge'etosu wu usuḁuwu u na waa yuwaan aza a na a 'yuwain a yuwan tsutoni na Alabari a Sa'ani a yi?

18 Adanshi a Asula a damma ta,
 “Nu u ri usan za va aḁula† tsura iwawi,
 cine tsa ḁa woo o'wo e ekere a aza a na e revei
 Asula shi, na aṙa o unusu?” ◇

19 Adanshi a nda suru aṙi ḁa na yoo sowuso aṙsumaliṙa ununa Asula a zuwai, i lyuwa elime na mayan me mejege, i ca okolo, Asula za na yuwan ndu u ta kamba ḁu. Amayun a ḁa waa kuḁa a kamba ḁu shi.

5

Uritosu adama a azagbain

◇ 4:18 Udm. 11:31.

¹ Gogo gba, n ta yuwusan adanshi a tyo a aza-gbain† a aza e Itoni. N ta patishi du ana zagbain fo. Amu me ene ta atsumalima a na Zamawawa sowoi. Waru n ta tsura n uwa atsuma a tsugbain nu ucira wa yi a mantsa ma na u kambai.

² I kalyuwa ama a na Asula a zuwai e ekere a du, ununa aza a aguBa a tsu kalyuwusa ikyon i le. I yuwan ne adama a na i cigai, agba she i yuwan adanshawuya wan. I yuwan ne adama a na yaa uwwusa uyo'o i yuwaan Asula aganda. She i yuwan adama e ili yu uvadi i na yaa tsura wan.

³ She yo o'woto aciyadu ana zagbain, a zuwusa ama mayan me ili wan, amma yo o'woto aciyadu iroci yi ili i na i ri ulobonu.

⁴ Ne da, na Mogono ma AguBa ma ta wa, u ta ca du iliyinkapa adama a na i ta uwa obolo na ayi atsuma a tsugbain nu ucira wa yi u na u ri nu ukotu shi.

Muwun n yuwan tsutoni na mbara

⁵ Adu olobo, i kuru mbara. Reve suru ndu, i kambulai gashi agbashi a Asula a na a tarai aciyele ili i ro shi, adama a na, "Asula a ta a nlangi na za na tarai aciyayi ili i ro, agba u tsu ca ta ama a na a tarai aciyele ili i ro shi isa'ani ya yi." ◇

⁶ Adama o ndolo, i kambuwa aciyadu zala e ekere o ucira wa Asula, reve na mantsa ma na ma ntsayi ma ta wa, ayi na aciyayi u ta 'yasan du zuva.

⁷ I lyawaa Asula ili i na yaa damatosun du suru, adama a na u ta adama a du.

⁸ I dana nu ugbozu kuci, waru i dana ufoBu. Mekerencesu,† ma'yuwatan ma du ma da, waru u

◇ 5:5 Udm. 3:34.

te igaru a yisaali ana kamu a zama za na wee reme avu u tama.

⁹ I dana nu ucira atsuma e ili i na yoo tonon, ne da yaa 'yuwan yi nu ucira wa Asula. I cuwan aza e Itoni yi Zagbain ubata suru atsuma o uvadi a ta uwwusa cu'un va atsumalima'a.

¹⁰ Ni i sowo atsumalima mantsa wa'a, Asula na aciyayi u ta lapula ili, reve u gbmato du asuvu, avu u shuwa du yi isawan nu ucira. U ta yuwan ne adama a na ayi za vi isa'ani i da kuci. U zuwa du ta fo i tsura tsugbain tsa yi babu ukotu adama a na u bolo ndu na Zamawawa.

¹¹ Ayi da za tsugbain nu ucira u babu ukotu. Ami.

Icasu

¹² N tara ta Sila ana mawun ma anawu, waru ayi da za na maa ca asuvu. Ayi da u kamba numu dana mokodi me mepepeline ma nda. N dana ta adama m gbmato du asuvu, reve waru n damma du isa'ani i na Asula a ri na amayun, adama i lyuwa elime nu ucawu wo okolo a du ya'a yi.

¹³ Aza e Itoni a na a ri Babila*† a ta casa du. Asula a dangwa le ta fo cine u dangwa ndu. Mawun ma va Marku ta casa du.

¹⁴ I casalai ulobonu atsuma e icigi ya aza e Itoni. N ta avasa Asula a ca za vi Itoni va Yesu Zamawawa suru asuvu nden.

* **5:13** Ayi "Babila", aza o urevu wa adanshi a Asula a ta dansa a na adanshi a Roma da a yuwusan.

**Nzuwulai n Sa'avu na Tsishingini na adiva a
na a dangulai a Nzuwulai mu Ufaru
New Testament in Tsishingini (NI:tsw:Tsishingini)**

copyright © 2011 Wycliffe Bible Translators, Inc.

Language: Tsishingini

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tsishingini

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files
dated 29 Jan 2022

bb185c63-dc44-572c-ae93-66252c4dfa1e